



Broj: 01/3-50-1-29-10/04  
Sarajevo, 13. jula 2004. godine

**Z A P I S N I K**  
**sa 10. sjednice Komisije za vanjsku trgovinu i carine**  
**Predstavničkog doma Parlamentarne skupštine BiH,**  
**održane 13. jula 2004. godine**

Sjednica je počela u 14 sati.

Sjednicom je predsjedavao Petar Kunić, predsjedavajući Komisije.  
Sjednici su prisustvovali: Fatima Leho, Nikola Kragulj, Marija Perkanović i Filip Andrić.

Opravdano odsustvovali: Ibrahim Đedović, Izet Hadžić, Azra Hadžiahmetović i Mladen Potočnik.

Sjednici su prisustvovali ispred predlagača zakona: Čedomir Ljuboje, Dragiša Mekić, pomoćnici ministra Ministarstva vanjske trgovine i ekonomskih odnosa, Zorislav Zadrić stručni savjetnik u Ministarstvu vanjske trgovine i ekonomskih odnosa i Emira Češljarić sekretar Komisije.

Za sjednicu Komisije je predložen i jednoglasno usvojen sljedeći

**D N E V N I R E D**

1. Usvajanje Zapisnika 7. i 8. sjednice Komisije
2. Razmatranje Prijedlog zakona o Agenciji za unapređenje inozemnih investicija u Bosni i Hercegovini, predlagač Vijeće ministara Bosne i Hercegovine
3. Razmatranje Prijedloga zakona o izmjenama Zakona o carinskoj politici Bosne i Hercegovine od 16.6.2004.godine, predlagač Vijeće ministara Bosne i Hercegovine
4. Tekuća pitanja.

**Ad-1**

Zapisnik 7. i 8. sjednice Komisije usvojeni su jednoglasno bez primjedbi.

**Ad-2**  
**Razmatranje Prijedlog zakona o Agenciji za unapređenje inozemnih investicija u Bosni i Hercegovini**

Prijedlog Zakona o Agenciji za unapređenje inozemnih investicija u Bosni i Hercegovini uputilo je 21. maja 2004. godine Vijeće ministara Bosne i Hercegovine u parlamentarnu proceduru s prijedlogom da se Zakon razmatra po hitnom postupku u skladu s članom 104. Poslovnika Predstavničkog doma.

Predstavnički dom na 38. sjednici održanoj 9. juna 2004. razmatrao je i prihvatio zahtjev predlagača Vijeća ministara BiH da se Prijedlog zakona o Agenciji za unapređenje inozemnih investicija u Bosni i Hercegovini razmatra u skladu s članom 104. Poslovnika.

Ustavno-pravne komisije Predstavničkog doma 30.6.2004. godine utvrdila je da postoji valjan ustavno-pravni osnov sadržan u članu III.1.b) i članu IV. 4. a) Ustava Bosne i Hercegovine za donošenje Zakona i da se ponuđeni tekst Zakona o Agenciji za unapređenje inozemnih investicija u Bosni i Hercegovini može uputiti u dalju proceduru nadležnoj komisiji.

Postupak u Komisiji počeo je općom raspravom. U raspravi su učestvovali: Fatima Leho, Petar Kunić, Nikola Kragulj.

Tokom rasprave u čl. 6. 15. i 18. Prijedloga zakona uočene su **nepreciznosti pravno-tehničke prirode**, i to:

- u članu 6. stav 1. na kraju rečenice riječi: "u skladu sa zakonom" brišu se, jer se ponavljaju;

- u članu 15. tekst u zagradi: ("Službeni glasnik BiH", broj 5/03)" nepotrebno je navoditi, iz razloga što je Zakon o izvršenju budžeta institucija BiH i međunarodnih obaveza BiH važio za fiskalnu 2003. godinu, a u međuvremenu usvojen je novi tekst Zakona za fiskalnu 2004. godinu.

- u članu 18. riječi: "iz člana 17." mijenjaju se riječima: "navedene u članu 17. ovog zakona"

O navedenim pravno-tehničkim korekcijama saglasio se i predstavnik predlagača Zakona.

Komisija je konstatirala da na predloženi tekst Zakona nije bilo amandmana.

Nakon obavljene opće rasprave glasalo se o principima predloženog Zakona i Komisija je jednoglasno podržala principe Zakona.

Komisija je mišljenja da je neophodno donijeti Zakon o Agenciji za unapređenje inozemnih investicija u Bosni i Hercegovini, i predložiti će Predstavničkom domu, da sa izvršenim pravno-tehničkim korekcijama, usvoji Zakon o Agenciji za unapređenje inozemnih investicija u Bosni i Hercegovini.

Na osnovu člana 89. Poslovnika Komisija je za izvjestioca na plenarnoj sjednici imenovala predsjedavajućeg Komisije.

### Ad-3

#### **Prijedloga zakona o izmjenama Zakona o carinskoj politici Bosne i Hercegovine, od 16. juna 2004.godine**

Kolegij Predstavničkog doma obavjestio je 21. juna 2004. godine kao nadležnu Komisiju za vanjsku trgovinu i carine za razmatranje Zakona.

Ustavno-pravna komisija Predstavničkog doma na 30. sjednici održanoj 29.6. 2004. godine razmatrala je Prijedlog zakona o izmjenama Zakona o carinskoj politici Bosne i Hercegovine. U mišljenje dostavljenom 5.7.2004. godine utvrđeno je da postoji valjan ustavno-pravni osnov sadržan u članu III.1.c) i članu IV. 4. a) Ustava Bosne i Hercegovine za donošenje Zakona o izmjenama Zakona o carinskoj politici Bosne i Hercegovine i da se ponuđeni tekst Zakona može uputiti u dalju proceduru nadležnoj komisiji.

U Prijedlogu zakona o izmjenama Zakona o carinskoj politici Bosne i Hercegovine od 9.aprila 2004. godine, predlagač Vijeće ministara BiH u sadašnjim izmjenama ugradio je istovjetan tekst u stav 4. člana 162. na koji je poslanik Jožo Križanović predložio amandman, odnosno izmjenu stava 2. člana 162., a sada je to stav 4. člana 162. Zakona.

Predlagač Zakona je istakao da je za izmjenu člana 162. stav 2. saglasan Upravni odbor Uprave za indirektno oporezivanje.

Imajući u vidu da se Komisija na osnovu člana 32. stav 2. Poslovnika shodno zaključku 8. i 9. sjednice obratila Upravnom odboru Uprave za indirektno oporezivanje 1.jula 2004. godine, zaključeno je da se sačeka istek roka komisijske faze.

Također je zaključeno da se od predlagača zakona ubuduće zatraži dostavljanje relevantne dokumentacije koja je korišćena u izradi zakona iz oblasti vanjske trgovine i carina, kako se ne bi prolongirali rokovi razmatranja zakona u komisijskoj fazi.

Sjednica je završena u 14:45.

Sekretar Komisije  
Emira Češljarić

Predsjedavajući Komisije  
dr. Petar Kunić